



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab Anno Christi 1143. Usque Ad Annum 1176

**Fleury, Claude**

**August. Vind. [u.a.], 1762**

**VD18 90118014**

§. 5. Ecclesia Dolensis Ecclesiæ Metropoliticæ Turonensi subjicitur.

---

[urn:nbn:de:hbz:466:1-66377](https://nbn-resolving.org/urn:nbn:de:hbz:466:1-66377)

Unica die Sedes Romana vacavit; nam altera, decima Martii, electus est Gerardus, Presbyter Cardinalis, titulo S. Crucis in Jerusalem, dictus Lucius II. & in Dominica Passionis, die duodecima Martii, coronatus. Is patria erat Bononiensis & professione Canonicus Regularis, ab Honorio II. Papa Cardinalis & Romanæ Ecclesiæ Bibliothecarius creatus. Tituli sui Ecclesiam restauravit, census auxit, ibique Canonicorum Regularium Congregationem instituit. Cum Innocentius II. Papa hujus viri pietatem & in rebus gerendis solertiam exploratam haberet, eum, defuncto Aimerico, Ecclesiæ Cancellarium constituit, & moriturus ærarium omniaque Bona Ecclesiæ Romanæ eidem commisit. Ceterum Lucius Sedem Apostolicam non plus undecim mensibus tenuit.

## §. V.

*Ecclesia Dolensis Ecclesiæ Metropolitanæ Turonensi subijcitur.*

Lucius secundus tandem litem diremit antiquam inter Archiepiscopum Turonensem & Episcopum Dolensem de Jurisdictione in Britannia Episcopos, quam Urbanus Papa Secundus Archiepiscopo Turonensi ante annos quinquaginta tribuerat; nam Urbani sententiam confirmavit, Bulla ad Hugonem Archiepiscopum

Sæcul. XII.

A.C. 1144.

Sup. lib.  
LXIV. n. 16.Martenne.  
collect. to. I.  
p. 80.

Sæcul. XII.  
A.C. 1144.

episcopum Turonensem data, in qua dicit, Innocentium Papam hanc causam commisisse curæ Geofridi Episcopi Carnotensis, Legati sui, qui cum eam non terminasset, Episcopum Dolensem eundem Papam rogasse, ut causam hanc ad suum tribunal revocaret, idque obtinuisse. *Cum vero, inquit Lucius Papa, interea Innocentium Papam mors occupasset, ambo nostrum expetiistis iudicium, & tu quidem, Archiepiscopo Turonensis, Ecclesiæ tuæ tabulas produxisti, atque præter alia documenta etiam Urbani Papæ Bullam, cui Episcopus Dolensis nihil ratione firmum opposuit, nec ulla Pontificum Romanorum auctoritate postulationem suam munivit. Quare causa ista cum compluribus Episcopis, Cardinalibus, Abbatibus & Equitibus Romanis mature pensata, veterem Sacræ Sedis Sententiam & iudicium ratum habuimus, teque tradito de manu nostra Baculo, obedientiæ ab illis Episcopis tibi debitæ Signo, investivimus, jubentes, ut tam Episcopus Dolensis, quam omnes ceteri Britannicæ Episcopi posthac Ecclesiæ Turonensi, suæ nempe Metropoli, sint subiecti. Hac sola addita exceptione, ut Frater noster Geofridus, Episcopus Dolensis, quamdiu hanc Ecclesiam reget, Pallio utatur, & soli Papæ subditus sit.*

In

In hac Bulla, in Laterano, decima <sup>Sæcul. XII.</sup>  
 quinta Maji, anno millesimo centesimo <sup>A. C. 1144.</sup>  
 quadragesimo quarto, data, Pontifex illos,  
 quorum consilio in hoc negotio usus fue-  
 rat, nominat hoc ordine: primo duos Epi-  
 scopos Cardinales, tum Raimundum Ar-  
 chiepiscopum Toletanum, Henricum Epi-  
 scopum Wintoniensem, Ulgerum Ande-  
 gavensem, & tres alios Francorum Epi-  
 scopos, tum Cardinales Presbyteros &  
 Diaconos, postea Petrum Cluniacensem  
 duosque alios Abbates, & postremo  
 Nobiles Romanos. Hodiedum Turonæ  
 Baculus ille, quo Papa hanc Investi-  
 turam concessit, asservatur. Ut igitur  
 contenta in Bulla ista exsequeretur Lu-  
 cius Papa, Episcopos Briocensem & Tre-  
 coriensem, ab obedientiæ vinculo, quo  
 se se Episcopo Dolensi devinxerant, datis  
 literis absolutos, Archiepiscopo Turo-  
 nensi parere jussit. Comiti quoque  
 Geofrido & optimatibus Britannæ  
 scripsit, præcipiens, ne Judicio Romanæ  
 Sedis obsequentibus obsisterent.

Sub idem tempus Raimundus Toletanus, cum Romæ versaretur, obtinuit, ut Jus Primatus in tota Hispania, ab Urbano II. ante annos quinquaginta sex Ecclesiæ suæ collatum, confirmaretur. In Bulla Lucii, decima tertia Maji, anno millesimo centesimo quadragesimo quarto, data, inter alia statuta,

*Hist. Eccles. Tom. XVII. B Dico-*

Sæcul. XII.  
A.C. 1144.  
Dioeceserum illarum civitatum, quæ Saracenorum invasione Metropolitæ suos amisissent, Archiepiscopo Toletano subdijubentur, quamdiu illa rerum facies in Hispania duraret. Ceterum Lucio II. Romæ sedente Alphonsus Dux Portugalliæ, & postea Rex, Ecclesiæ Romanæ in censum annum quatuor uncias auri a se & hæredibus suis pendendas promisit.

*Inno. III.*  
*lib. I. ep. 99.*

## §. VI.

*Romanorum Epistola ad Conradum Regem.*

*Otto. Frising. VII.*  
*Chron. c. 31.*  
Inter hæc Romani, ut institutum suum exsequerentur, Senatoribus, sibi delectis, Patricium quoque addiderunt, atque ea dignitate Jordanum Petri Leonis filium ornarunt, fidem ei tanquam legitimo Principi suo jurantes. Papam deinde adeunt, omniaque Jura Regalia, quibus potiebatur, tam intra quam extra urbem, Patricio suo debita reposcunt. Affirmabant enim, Papam Decimis & Christianorum oblationibus, antiquorum Episcoporum more, contentum esse debere. Papa prementibus Adversariis, auxilium Conradi Regis Romanorum imploravit, dataque epistola, ut præsidium Ecclesiæ Romanæ in se susciperet submitte rogavit. Sed & Romani seditiosi ad Conradum dederunt epistolam,  
in